



# Supsidio despues di atrako — Hulanda Karibense

Fomento di medidanan preventivo kontra atrako riba bibienda i empresa

## A atraká bo kas òf kompania?

E ora ei bo por hasi un petishon pa un supsidio di máksimo €1.000\* pa medida di seguridat pa prevení atrako nobo riba kas òf kompania.

\* Ta stipulá e supsidio den Euro i deposité den US Dòler riba bo kuenta.

## Mi ta bin na remarke pa un supsidio?

Pa un supsidio bo mester kumpli ku e siguiente kondishonnan:

1. A atraká bo kas òf kompania entre 1 di yanüari 2019 i 31 di desémber 2021.
2. Bo a hasi denunsia di e atrako i bo por demostrá esaki ku un kopia di e denunsia.
3. Despues di e atrako bo a atkirí medidanan di seguridat pa prevení atrakanon nobo i bo por demostrá esaki ku un faktura.
4. Bo petishon mester ta entregá promé ku 1 di yüli 2022.

E areglo ta konta solamente si a usa violensia durante e atrako òf si a menasá ku violensia, por ehèmpel ku un kuchú òf arma di kandela. Si bo ta víktima di un kiebro òf ladronisa kaminda no a usa violensia òf no a menasá ku violensia, bo no por entregá un petishon.

## Kon mi ta pidi un supsidio?

Esaki por na dos manera:

- Bo ta pasa na Ofisina Yudansa pa Víktima i nan ta entregá e petishon digitalmente pa bo.

- Bo ta prent un formulario di petishon i manda esaki, huntu ku un kopia di bo pasport / sédula/reibeweis i tur otro rekitiso nesesario, via pòst pa Schadefonds na Hulanda Oropéo. Bo por haña mas informashon tokante esaki riba e wèpsait [www.schadefondscn.com](http://www.schadefondscn.com).

Schadefonds ta rekomenzá bo pa entregá e petishon via Ofisina Yudansa pa Víktima.

## Kua medianan preventivo mi por tuma kontra un atrako nobo?

### Algun ehèmpel pa kas:

- bon iluminashon pafó,
- un sistema di alarma,
- hèkwèrk na bentana i porta,
- aparato pa mantén porta riba un skref.

### Algun ehèmpel pa kompania:

- bon iluminashon pafó,
- un sistema di alarma,
- supervishon di kámara,
- un safe,
- entrenamentu kontra atrako pa e personal.

## Pa kiko e areglo di supsidio?

Ku e areglo aki, minister di Hustisia i Siguridat di ke yudá bo redusí e chèns ku ta atraká bo di nobo. Es desir for di investigashon a sali na kla ku personanan òf kompanianan atraká i ku despues no tuma medidanan (adishonal) di prevenshon, ta kore un riesgo mas grandi riba un atrako nobo. Schadefonds Geweldsmisdrijven ta duna e supsidio aki di parti di minister di Hustisia i Siguridat.

# **Supsidio despues di atrako — Hulanda Karibense**

Fomento di medidanan preventivo kontra atrako riba bibienda i empresa